

**TEZAU LITURGIC**  
**26 NOIEMBRIE**  
**RUGĂCIUNEA**  
**SF. CUVIOS ALIPIE STÂLPNICUL**

**Молитва преподобному АЛИПИЮ СТОЛПНИКУ**

О, священная главо, преподобне отче Алипие! Подвигом добрым подвизався на земли, на Небесех восприял еси венец правды от Христа Бога нашего. Темже на твой святой образ взирающе, о преславнем скончании жительства твоего радуемся и чтим святую память твою. Почитающе же твое велие дерзновение пред Господем, со смирением молим тя, преподобне отче: возри убо благосердым оком любви твоея на нас, недостойных, и потщися богоприятным твоим ходатайством испросити у Царя царствующих и Господа господствующих, да пробавит великия и богатыя милости Своя на нас, грешных, да подаст нам дух правыя веры, дух любви, мира и радости о Дусе Святе, да избавит ны от всяких бед и напастей, да низпослет вся полезная ко спасению душ наших. Ей, святче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да сподобимся скончати житие наше в

покаянии, и восприимем вечная благая во Царствии Христа Бога нашего, и прославим человеколюбие Отца и Сына и Святого Духа и твое святое заступление, ныне и присно и во веки веков. Аминь.

